

# Bibël për fëmijët paraqet

## Samueli, Djaloshi- Shërbëtor i Perëndisë



Shkruar nga: Edward Hughes  
Ilustruar nga: Janie Forest

Përkthyer nga: Arianit & Valbona Iljazi  
Adaptuar nga: Lyn Doerksen

Tregimi 17 nga 60

[www.M1914.org](http://www.M1914.org)


*Bible for Children, PO Box 3, Winnipeg, MB R3C 2G1 Canada*

E drejta e kopjimit: Mund të bëni kopje ose ta shtypni këtë histori, nëse nuk do ta shitni.

Shqip


Albanian

Ana ishte një grua e mirë, e martuar me  
Elkanaun, një burrë i fisëm. Ata që të dy adhuronin  
Perëndinë dhe tregonin kujdes për të tjerët. Por  
diçka mungonte në  
jetën e Anës.



1

Ajo donte të kishte një bebush. Oh, sa shumë  
donte ajo që të kishte një bebush! Ajo priste dhe  
shpresonte duke u lutur. Por bebushi nuk po vinte.




2



Çdo vit, Ana shkonte për të adhuruar Perëndinë në tabernakull. Një vit ajo i premtoi Perëndisë se nëse Ai do ti dhuronte një bir, ajo do t'ia jepte Perëndisë që të bëhej shërbëtor i Tij përjetë.

3



Eli, prifti i vjetër, e pa Anën ndërsa po lutej.

4




Ai mendoi se Ana ishte e dehur me verë sepse buzët e saj lëviznin, por nuk dilte asnjë zë. Eli e qortoi Anën!

5



Por, Ana i tregoi Elit lutjen dhe premtimin e saj ndaj Perëndisë. "Shko në paqe", iu përgjigj Eli. "Dhe Perëndia i Izraelit, të plotësoftë kërkesën që i ke bërë Atij". Fjalët e Elit, i dhanë shpresë Anës.

6




Shumë shpejt zemra e Anës u mbush me gëzim. "Perëndia e kujtoi atë" dhe iu përgjigj lutjes së saj. Ajo dhe Elkanau patën një çun të vogël që e quajtën Samuel (që do të thotë "Dëgjuar nga Perëndia"). Por, a do kujtohej Ana për Perëndinë dhe premtimin e saj ndaj Tij?

7



Ana, nuk po shkonte më çdo vit në tabernakull. Obobo..! A e theu ajo premtimin që i kishte bërë Perëndisë?

8



Jo, Ana po priste derisa Samueli të rritej aq sa të mund të jetonte në tempull dhe të ndihmonte Elin në shërbimin e Perëndisë. Kur erdhi koha, ajo e solli Samuelin në tabernakull.

9



Perëndia e nderoi besnikërinë e Anës. Mbas Samuelit, Perëndia i dha asaj edhe tre çuna dhe dy vajza.

10



Çdo vit, Ana shkonte në tabernakull për të adhuruar Perëndinë - dhe për të sjellë rroba të reja që ajo kishte bërë për Samuelin.

11




Samueli nuk ishte ndihmësi i vetëm i Elit. Edhe djemtë e Elit, Hofni dhe Fineasi punonin atje.

12




Por ata e çnderonin Perëndinë duke bërë ligësi dhe nuk ndryshonin qëndrim edhe pse babai i tyre Eli u lutej të silleshin mirë. Eli duhet ti kishte hequr ata nga puna dhe përzënë nga tabernakulli. Por, ai nuk e bëri këtë.

13



Një natë, Samueli dëgjoji një zë që e thërriste. Djaloshi mendoi se ishte Eli që e thërriste. "Këtu jam", tha ai. "Unë nuk të thirra", u përgjigj Eli. Kjo ndodhi tre herë. Atëherë Eli e kuptoi që Perëndia donte ti fliste Samuelit.

14



Eli i tha Samuelit, "Nëse Ai të thërret, ti duhet të përgjigjesh, 'Flit Perëndi, sepse shërbëtori yt të dëgjon'". Perëndia e thirri përsëri Samuelin dhe i dha një mesazh shumë të rëndësishëm.


15

Në mëngjes Eli e thirri Samuelin: "Çfarë gjërash të tha Perëndia?" pyeti ai. Samueli i vogël i tregoi atij gjithçka. Ishte një mesazh i tmerrshëm - Perëndia do ta shkatërronte të gjithë familjen e Elit, sepse Hofni dhe Fineasi ishin shumë të ligj.



16

Paralajmërimi i Perëndisë u vërtetua. Gjatë një luftimi me Filistenjtë, dy djemtë e ligj të Elit mbanin Arkën e Perëndisë në krye të ushtrisë së Izraelit.



17

Armiqtë e morën Arkën e Perëndisë dhe vranë Hofnin e Fineasin, bashkë me shumë Izraelitë të tjerë. Eli, sapo dëgjoji lajmin ra nga ndenjësja e tij, theu qafën dhe vdiq po atë ditë.



18

Arka e Perëndisë i solli telashe Filistenjve. Ata e vendosën atë në tempullin e Dagonit, perëndisë së tyre të rremë.




19

Në mëngjes, idhulli Dagon kishte rënë me fytyrë përtokë përpara Arkës së Perëndisë. Filistenjtë e ngritën Dagonin lart - por mëngjesin tjetër ai ishte përsëri përtokë. Kësaj rradhe, Dagoni ishte bërë copa-copa.




20




Sëmundje dhe vdekje u përhapën ndër Filistenjtë. Për të parë nëse Perëndia po i dënonte ata, Filistenjtë vunë dy lopë të tërhiqnin qerren që mbante Arkën e Perëndisë.

21



Por viçat e porsalindur të lopëve i mbajtën pranë vetes. "Nëse lopët do ngjiten në Izrael, dhe i lënë viçat e tyre, ne do ta dimë se Perëndia e ka bërë këtë", thanë ata. Dhe lopët u ngjiten.

22



Atëherë Samueli që ishte rritur e bërë burrë, u foli të gjithë njerëzve të Izraelit. "Nëse ktheheni tek Perëndia me gjithë zemrën tuaj ... Ai do t'ju çlirojë nga dora e Filistenjve".

23



Njerëzit iu bindën profetit besnik të Perëndisë. Dhe dora e Perëndisë ishte kundër Filistenjve, gjatë gjithë jetës së Samuelit.

24

Samueli, Djaloshi-Shërbëtor i Perëndisë

Një tregim nga Fjala e Perëndisë, Bibla

e marrë nga

1 Samuelit 1-7

"Zbulimi i fjalëve të tua ndriçon dhe u jep mendje njerëzve të thjeshtë."

Psalmet 119:130

Perëndia e di që ne kemi bërë gjëra të këqija, të cilat Ai i quan mëkate. Denimi për mekatin është vdekja.

Perëndia na don neve aq shume sa që dërgoi Birin e Tij, Jezusin, që të vdes në Kryq dhe të paguaj dënimin tonë. Pastaj Jezusi u ringjall dhe u ngrit lartë në Qiell.

Nëse ti do që të pendohesh, thuaja këtë Perëndisë: Perëndi i dashur, unë besoj në Jezusin që vdiq për mua dhe jeton. Të lutem eja në jetën time dhe m'i fal mëkatet, në mënyrë që të kem jetën e re. Dhe që të jem me Ty përgjithmon. Më ndihmo që të jetoj për Ty si fëmija i Yt. Amen. Gjoni 3:16

**Lexo Biblën dhe fol me Perëndinë çdo ditë!**